

UUT'T OLDE VODDEN

Koffie dat's moor lekker grei,
Ze gebruikt ut völle hier,
Biej loèdrugheid'n geklopt ei
In koffie deut somgen plezier!
As ze sloèrug in de butte bunt
Dan prakkezeert ze al zo wat,
Veur de meesten ist gin stunt,
Der bunt jò andre middels zat!

Moor koffie is van olds-her
Een drank dee oew goed deut,
Ie zeet mense dan ok her en der
Genièten van de koffie-leut!
Veral't midden van'nveur-middag
Zo tegen een uur tien elf,
En sòvens ast werk is volbrach
Kom ie dr van tut oew zelf!

Vrògger was broèner dee slump
De koffie is noe wat bleek,
kZal oe effen zeg'n hoe dat kump
Al bun ik dan moor een leek.
Ze deen der kniep-af biejin,
Broèn-zwat brei, tpekske rond,
tSpul kleurn mieters, ik vin
Dat dee donkre kleur bes stond.

nPeksken as'n pepperbusse
Zo groot zowat; in donker papier,
Veurn winkelier wast gin klusse
Um ut te vekopen hier,
Want de mense waarn dr gek op
tSpul was noe éénmòol goedkoop
Dat gaf dus nooit een strop
Ze kochen vòl de koffiestroop.

tWas neet alléne um de kleur
Dat ze dat altied heb edoan,
Koffie was wat duur veur eur
Zó kon'n ze met weinug volstoan!
Ze knèp'n'nbrokke af vant grei
Deen tmet wat koffie in de pot
Want koffie met vòl cichorei
door leepen ze met vot!

Ie könt noe gemalen koffie kopen,
Och, tzit wel goed int pak,
Iej hoèft dan niks meer te lopen
tIs ollemòole veur oew gemak!

Toch goat ze op ut málen prat,
Dat doot ze zowiet as ik wet
Altied dan vlak veur dat
De koffie wod ezet.
As 'nboone'ntiedjen emalen is
Wod'tmaasel minder fleurug,
Ut spul wod tan ok minder fris
Dan ist neet meer zogeurug!

En juus dee geur trekt oe an!
Dee roek ie thele huus deur,
Iej snoèft en preuft ut dan
Dus ók al van te veurn!
Gezellug is ut koffie slorpen,
Dan zet ie mense noa oew hand,
Neet allene op de dorpen
Oaveral gif ut een soort band!

Vake gebeurt ut dan ok

tIs iets dat oew goed deut,
Dat mense, bunt ze nièt te drok
Mèt genièt dan van oew leut.
Der is altied dan wat te proaten
Ok onzin, ze könt gek deurhol'n,
Iej zòlt ze dan moor loaten,
tBunt tan ummers koffie-lol'n!

Hiermèt is tuurluk neet ezeg
Daj an lolleproat met doot
kZegge allene wat koffie breg
Dat deut een mense good!
Gezellugheid gif ut altied,
Dóór koj van'nander wat leern
Iederene kan zn smoesjes kwiet
Iej hoèf oe neet te geneern!

nKoffie-kransjen is neet gek
tKump elkéne hoas gelègen
Ie zòlt wat de mense door zek
Neet op de goldschale wègen!

De koffiepot is as'nsimbool
In mennug huusgezin,
Veur völle mense een idool,
Koffie door zit wat in!

En wat òverblif ist koffiedik,
Door köj van alles in lèzen!
Wie zek dan ok, iejen ik:
„Koffie mag en mot ter wèzen!”

OME JEHAN